



ZU DOM ZDRAVLJA CAZIN

ul. Indire Pjanić 28, 77220 Cazin; tel: 037 515 400; fax: 037 539 027
e-mail: info@dzcazin.ba; web: www.dzcazin.ba

Na osnovu člana 20. a Zakona o radu Federacije Bosne i Hercegovine (Sl. novine F BiH, broj: 26/16 i 89/18), člana 4. Uredbe o postupku prijema u radni odnos (Sl.glasnik Unsko –sanskog kantona broj:7/19 i 11/19), člana 10. Pravilnika o radu ZU Dom zdravlja Cazin broj: 1348/22 od 04.03.2022. godine, Odluke o potrebi prijema u radni odnos na neodređeno vrijeme broj: 2501/22 od 27.04.2022. godine i člana 54. Statuta ZU Dom zdravlja Cazin broj:4470-1/13 od 18.10.2013. godine i broj:1996/19 od 17.04.2019. godine direktor ZU Dom zdravlja Cazin, raspisuje

JAVNI OGLAS za prijem u radni odnos na neodređeno vrijeme

I ZU Dom zdravlja Cazin, ul. Indire Pjanić 28. 77220 Cazin, [e-mail:info@dzcazin.ba](mailto:info@dzcazin.ba) oglašava potrebu za zapošljavanjem radnika na neodređeno vrijeme za slijedeća radna mjesta:

- 1.Doktor medicine u Dječijem dispanzeru, Ambulanta za zdravstvenu zaštitu predškolske djece - **1 izvršilac**
- 2.Doktor medicine u Službi hitne medicinske pomoći - **1 izvršilac**

II OPĆI USLOVI KOJE KANDIDATI MORAJU ISPUNJAVATI

- ✓ Da su državljani Bosne i Hercegovine
- ✓ Da su stariji od 18 godina
- ✓ Da su fizički i psihički sposobni za vršenje poslova navedenog radnog mjesta- Izabrani kandidati će biti dužni prije zasnivanja radnog odnosa na neodređeno vrijeme dostaviti ljekarsko uvjerenje o zdravstvenoj sposobnosti, izdano od strane javne zdravstvene ustanove, koje nije starije od jednog (1) mjeseca.

III POSEBNI USLOVI

Za poziciju 1 i 2

- VSS Medicinski fakultet (VII stepen stručne spreme)
- položen stručni ispit
- licenca za samostalan rad

Za poziciju 1 , mjesto obavljanja rada u ZU Dom zdravlja Cazin u Dječijem dispanzeru, Ambulanti za zdravstvenu zaštitu predškolske djece, radno vrijeme od 07:00 h do 15:00 h

Za poziciju 2. mjesto obavljanja rada u ZU Dom zdravlja Cazin u Službi hitne medicinske pomoći, radno vrijeme- smjenski rad od 0-24 h

KRATAK OPIS POSLOVA ZA RADNO MJESTO DOKTOR MEDICINE U DJEČIJEM DISPANZERU, AMBULANTI ZA ZDRAVSTVENU ZAŠTITU PREDŠKOLSKE DJECE

Sistematski pregled djeteta pred polazak u osnovnu školu, savjetovanje roditelja, staratelja, nastavnika, bolesnika ili drugog lica u ordinaciji od strane ljekara bez ljekarskog pregleda, propisivanje terapije, koordinacija sa patronažnom službom po određenom slučaju i nalog za patronažu, individualna poduka majke o ishrani ili higijeni djece, izdavanje potvrda (izvod iz medicinske dokumentacije),komunikacija sa socijalnim, obrazovnim i dr. sektorima,usluge liječenja u skladu sa standardima i normativima zdravstvene zaštite, upućivanje oboljelog na dalje postupke, uključivanje rehabilitacije, sudjelovanje u provođenju akcija na sprječavanju, otkrivanju, liječenju i rehabilitaciji zaraznih (cijepljenje i dr.) i nezaraznih bolesti kod djece



KRATAK OPIS POSLOVA ZA RADNO MJESTO DOKTOR MEDICINE U SLUŽBI HITNE MEDICINSKE POMOĆI

Obavlja redovne poslove iz domena svoje struke koji obuhvataju dijagnostiku, terapiju i preventivni rad u ordinaciji ili kući pacijenta, odnosno obavlja sve poslove u skladu sa nomenklaturom zdravstvenih usluga sadržanih u Plavoj knjizi, saraduje sa ostalim službama kao i drugim zdravstvenim ustanovama, izdaje recepte za nabavku lijekova, po potrebi ordinira u kući pacijenta, pruža pomoć kod transporta pacijenta, vrši sve poslove u domenu rada Službe hitne medicinske pomoći, kao ljekar prvog kontakta daje opštu ocjenu o zdravlju pojedinca i populaciji o kojoj vodi brigu, odnosno koja mu gravitira i o tome vodi cjelokupnu medicinsku dokumentaciju, notira zdravstveni karton, sve medicinske radnje od datuma posjete, anamneze, statusa, upisivanja nalaza (laboratorijskih, specijalističkih, otpusnih pisama id r.), početne i završne dijagnoze, ordinirane terapije, kontrolnog pregleda, evidentira upućivanje specijalisti ili u drugu medicinsku ustanovu, obavlja i druge srodne poslove po nalogu neposrednog rukovodioca.

IV Kao dokaz o ispunjavanju uslova kandidati su dužni dostaviti slijedeću dokumentaciju:

Za poziciju pod rednim brojem 1 i 2

1. Potpisanu prijavu sa kratkom biografijom, adresom, e-mail adresom i kontakt telefonom
2. Izvod iz matične knjige rođenih
3. Uvjerenje o državljanstvu
4. Potvrda o prijavi mjesta prebivališta (CIPS)
5. Diploma o završenom medicinskom fakultetu
6. Uvjerenje o položenom stručnom ispitu
7. Važeća licenca/odobrenje za samostalan rad

Javni oglas je objavljen dana 12.05.2022 godine u dnevnom listu "Oslobođenje" i ostaje otvoren sedam (7) dana od dana objave u dnevnom listu.

Kandidati su u obavezi dostaviti traženu dokumentaciju u originalu ili ovjerenoj kopiji, ne starijoj od šest (6) mjeseci, računajući od dana izdavanja dokumenata.

Neblagovremene, neuredne i nepotpune prijave Komisija neće uzeti u razmatranje. Pod neurednom prijavom se podrazumjeva i prijava koja nije potpisana.

Kandidat je u obavezi naznačiti na koje radno mjesto se prijavljuje, u suprotnom će se prijava odbaciti.

Probni rad nije predviđen.

O datumu, vremenu i mjestu pristupanja polaganju pismenog i ukoliko se ispune uslovi usmenog ispita, kandidati će biti obavješteni telefonskim putem, putem e-mail adrese kandidata i putem web stranice ZU Dom zdravlja Cazin www.dzcazin.ba. Polaganju ispita će pristupiti kandidati koji su podnijeli urednu, potpunu i blagovremenu prijavu.

Ako kandidat ne pristupi zakazanom ispitu smatraće se da je odustao od prijave na Javni oglas.

Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida, ili su član porodice ratnih vojnih invalida, prema propisima koji regulišu oblast boračko- invalidske zaštite, dužni su dostaviti dokaz o ovom statusu, te će imati prioritet u zapošljavanju ukoliko budu ostvarili jednak broj bodova u odnosu na druge kandidate.

Svi traženi dokumenti koji služe kao dokaz o ispunjavanju uslova iz javnog oglasa se neće vraćati.

Prijave na oglas sa potrebnom dokumentacijom ,u zatvorenoj koverti na kojoj se obavezno navode podaci o kandidatu (puno ime i prezime, adresa stanovanja), se dostavljaju putem preporučene pošte ili neposredno putem protokola ZU Dom zdravlja Cazin, na adresu:

ZU DOM ZDRAVLJA CAZIN
ul. Indire Pjanić br 28
77220 Cazin Komisija za izbor kandidata za prijemu radni odnos
sa naznakom“ NE OTVARAJ- PRIJAVA NA JAVNI OGLAS“

Kontakt telefon za davanje dodatnih obavještenja je 037 515 407

Izbor iz reda prijavljenih kandidata koji ispunjavaju uslove oglasa izvršiće se u skladu sa Zakonom o radu F BiH (Sl.novine F BiH, broj:26/16 i 89/18), Uredbom o postupku prijema u radni odnos (Sl.glasnik USK-a broj:7/19 I 11/19), Pravilnikom o radu ZU Dom zdravlja Cazin broj:1348/22 od 04.03.2022. godine i Poslovnikom o radu komisije.

DIREKTOR

Dr. Amir Murić, spec. neuropsihijatrije

Broj: /22
Dana, 04.05. 2022. godine